

未知何以言之今見兵曹堂上所啓有不得輕達之語至為未安
惶恐待罪

史臣曰兵曹堂上欲入啓禁亂吏事者乃所以防後弊其意
有在而士尚以色承旨乃諉諸命下而不為轉達難乎免於
壅蔽之譏矣欲以待罪而塞責其可掩乎

傳曰不得轉達勢也非誤也勿待罪○夜東方如火氣

丙子以鄭思顯為兵曹正郎權信為兵曹佐郎李仲虎為司諫
院正言張士重為弘文館修撰俞泓為副修撰

已卯傳于政院曰予於前月初八日夜對時眩暈上熱證忽發
艱難講罷後累日又調氣得平安本月初二日感冒咳嗽證始為
大發近日調保大槩似歇而時未永差明日傳香祝勢難為之
攝行可也且近來非徒多事因身氣不寧召對夜對中廢已久
心不自安政院知悉政院回啓曰頃者日候寒冷自上累日
勞動臣等伏聞上體微有咳嗽之氣而不得詳知故明日傳
香祝禮權停之意未及啓達矣今承下教至當傳曰知道○夜